

桂留山房詩集

桂畱山房詩集卷九

寶山沈學淵夢塘

特贈知縣河南淮沈項縣丞王君死難詩

王公莅大不吹

君為魯山尉時口碑

我歌且謠魯山尉王公仍盜

不與量移一階槐店丞一解丞不為五斗米丞亦不設

五色棒丞官八品耳乃兼三邑赤緊淮沈項二解某月

吉日丞當赴官丞亦不赴官其時雨雪天方寒短衣綻

絮帽裂氈間道走槐店但聞店門父老喋喋多繁言借

問父老何所言云有此間隸卒劉三軒三解三軒者誰

虎而翼鯛陽市中攫人食食人尚猶可官欲捕之不可

得客從遠方來聞有新丞將至此不知何日迎官差丞
哉丞哉庶幾安我沈項淮

四解

詰朝新丞來乃是昨日

客排衙未移時朱封飛一尺召嗇夫趣伍伯聞有此間
隸卒劉三軒汝且縛之來勿使他逸

五解

丞雖食五斗

米豈不慕二千石之愷悌丞雖無五色棒豈得忘三尺
法之職掌何物姦奴至今爲梗急呼株木困其臂瓠盧
縛其頸萬人爭看劉三軒鐵索徧巡淮項沈

六解

去馬

先去害養蜂莫養蠶不任受怨不任德胷中八九無芥
蒂但願槐店千家卹屢屢夜不闔樓鼓晨不闔夏何用
閩焉者刺我閩門焉者衛我門

七解

咄咄復咄咄鵲

叫鷓鴣丞方白邑歸宵程趁殘月月落夜未央寒風凜

毛骨其日補天天竟穿闖然羣賊踰我垣虎而翼者劉

三軒八解噫吁嘻丈夫七尺昂藏身生當爲循吏死當

爲忠臣捐軀爲國兼爲民丞哉丞哉爾何人九解君不

見唐朝宰相武伯蒼獻骨批去左股傷又不見漢朝將

軍來君叔利刃在身不許哭致身將相豈惜死丞哉丞

哉亦若此吁嗟丞何官丞官八品耳十解士民聞丞死

巷哭三日哭不止錄丞政績走告中丞御史中丞聞丞

死急捕元惡肆諸市錄丞勞績上告天子十一解

天子聞丞死憫丞能勤職曰女惟淮沈項丞王慶瀾生

六陵春草無人哭麻衣芒屨入山林滿地江湖三尺琴
苦向降臣書卻聘難從廝養覓知音秋蟬捕後商聲變
古寺陰沈人不見挂壁長依孝女碑假裝未帶橋亭研
繫臣遺恨付哀絃慷慨掀鬚一惘然破竹家山憐後主
落花時節遇龜年吞甕啣雪平生志黍離薇蕨興亡事
不聞朱鳥哭西臺大有黃冠羈北地六十年來未可知
抱琴蹈海莫嫌遲廣陵拌絕嵇中散擊筑恨無高漸離
東山有桐西有梓琴兮琴兮殉公死玉匣墳荒冬樹青
金徽土蝕秋花紫松風琴譜草堂閒

素江所居曰
松風草堂

剝蘚

摩挲一再彈論價久傾燕市客還珠仍到古臨安潞藩

舊製重摩拭爨後餘材半焦黑

素江向蓄明潞王琴

當時不共五

王傳此物何曾一錢直獨為孤忠鳴不平楊寮七客浪

傳名如何葛嶺蕉秋氏畱伴文山玉帶生

客欲訪余春雨莊而慮迷路者口占示之

山莊舊額題春雨枳橘槍籬路一條樵叟漁孃都省識

棹花灣北野紅橋

武林舟次贈郭芝圃秀才

崇山

即送之惠州

五嶽棱棱繪少文天涯雞鶩官同羣十年冷記燕臺夢

六月炎蒸粵海雲官閣已裁麤布被

時令兒飯山出守惠州

畫船

休戀鬱金裙此行替酌蘇家墓絕勝錢塘小小墳

七里瀧

糴謳破晴煙空翠蘸船尾羣山各努力收束此江水折
入兩厓間激流匯清泚紺滄迭迎拒白雲互表裏亂峰
障前路漸近復他徙夕陽語畫眉野艇飯烏鬼浴谿脚
躑花殘紅漂沙觜叩舷揖桐君酌酒款巖子出瀧不厭
遲無風七十里

登巖子陵釣臺

仕宦何必執金吾貴爲天子故人從古無娶妻何必陰
麗華願聞仙人嬌女顏如花少年同學不料此世間大
有奇男子二十八宿雲臺高讓出客星中夜紫生不願

本朝詩集 卷九
四
白衣作宰相亦不必紅衣裝釣師羊裘一領薄於紙干
秋香火桐江祠君不見漢家制度能將將淮陰有箇釣
臺樣又不見伏波老作休戚臣一車薏苡徵將軍

自衢州將抵江山縣暮宿谿口

谿水露石骨扶寸不勝柁浮家製竹筏涉淺利於舸移
裝估客喧脫袴篙工裸推挽出城隅泛泛水中坐搗厲
事不常壅遏計先左水碓激郵壩茅檐飛炙輶地利爭
曲防人功但揚簸旁排枯樹椿側砌頑石卵夾岸瀉甸
甸絳舟藏坎坳況逢水縮時百里無一可席篷自偃仰
茵枕僅貼妥赭土鑿斑斑白沙凝瑳瑳山縣枕荒谿暮

雲雙塢裏泖港判東西零星出漁火浮橋鐵綬聯初昏
已下鎖

清湖至峽口

山光面面接湖光山澗條條走野塘絕好水田衣百幅
黃梅時節稻花香

仙霞嶺

青霞福地碧霞君甌越山川嶺外分石礪泉春三日雨
關門人踏半天雲仙梯橫繞中峯出梵唄時吹下界聞
大好有花無虎日最高層上立斜曛

時虎患
方息

曉度楓嶺至梨嶺

郵亭五里路三义趁曉涼時不厭賒楓葉未秋紅過嶺
梨雲作夢白於花油衣裝束愁逢雨竹筧人家坐索襟
一路雞棲豚柵裏恨無尊酒話桑麻

漁梁山

野戍循山均風帘邀我宿斜曛截雲杪眾峯恣意綠尋
幽耐疲薊藤杖衛雙足老兵導客行徑竇啟巖谷飛淙
碓叢石沙粒碎於粟山根斲澗阿下銳上乃覆有形如
臥馬斷尾見形甸切 瞻腹汎泉溢其左一穴容數斛其右
青盤盤萬笏晴空轟捫險撤丹梯懸厓不可屋誰畱圓
鑿痕絕壁走仙躅三洞若聯珠凝注緲窮目傳聞老鍊

師棲神蛻蝠蝠侵曉吸霞髓日高遂淡伏我來薄夕春
遊覽苦欲速區區濟勝具勢難飛走逐梗概略許窺安
能究詳複回徑異來蹤變換益幽曲山暮日易昏東炬
燃松竹歸與老兵譚惋歎怨催促已到漁梁山未見漁
梁瀑

萬石灘

一名阿彌陀佛灘

扁舟過葉坊灘石羅百態我如大米顛迎船屢下拜長
年識畏途顧予申申戒須臾迸奇險萬石紛向背沿岸
稍玲瓏中流益醜類旁蹲乖龍割側攫巨鼈戴猙獰夔
魍伏劣崩莫邪淬紙船佶屈來石柱怒相對所爭在一

罅索黍判成敗昨聞下水船到此臭厥載我亦順流行
覆轍懼其再欲遲已成速既進詎能退屢彼上水難牽
挽走數輩邪許聲若嘶顛變不可耐竹繩倘中斷薑粉
立破碎往來宣佛號靈祇默津逮何年鏟石平一切埽
望礙

黯澹灘

諸灘皆嵯岬此灘獨黯澹石棱斂鋒鏑水底暗鐫鑿陰
險橫中爻利涉戒坎窞我經延平津浮雲鬱黓黓支岸
青山危窺林白日慘離灘甘里餘殷雷走晦闇焚香客
子虔振柁篙師敢放溜入盤渦一擲破羣膽鐵梢頤指

使不聞眾聲喊疾風耳後生激雨飛顙頷甘爛揚大瓢
逆卷恣搖撼怔忡倏未已出險告安愴飛行固所快驚
顏尙顛顛吁嗟一葉身同此千載感何止惶恐灘孤舟
泣章穎

建谿舟次贈別孫花嶼明經

玉麒

黃俊民上舍

賢

書

西谿夜雨壓篷眠兩種萍花一種綠屋角青山臨路店
枕邊白浪下灘船傾囊互讀詩三百排日須拌酒十千
忙過槐黃重有約秋風共我著歸鞭

水口驛先寄萊臧

一領蕉衫五斗塵
闌風伏雨過三旬
南來大意君知否
半爲荔枝半故人

題看劍引杯圖

聽說糟邱築已成年時
奇氣太縱橫
舉杯八九作如意
出匣一雙鳴
不平舞罷請歌豪
士曲醉來要試美人兵
何當燒盡三條燭
慷慨從君載酒行

花窗讀史圖爲蕭申甫

以霽

夫人孫佩秋女史題

評量人物買青絲
霧閣雲窗罷繡時
家學定知傳謝傅

女史爲淵如
先生女姪

史才難得續班姬
香籤細榻湘東管
錦字

愁緘陌上詞
想到璇闈柔日讀
天涯應悔覓經師

陳賢婦詩爲謙甫母夫人作

蔚宗沿子政列女始論贊未及董祀妻體例惜未善陰
瑜劉長卿不幸又遭變曹娥龐娥親此事亦僅見猗嗟
女宗師賢明乃其選朕而持此論後人多飾綠芳茝佩
其容季蘭尸其膳和聲戛珩璜令色耀釵鈿彼方陳德
象此亦頌邦媛祝嘏屏幃懸諛墓邨墟徧無非亦無儀
相與尙矜衒峩峩大妃山坤靈毓閨彥習禮判經曲受
詩明素絢事事知大體

傳中語

一語勝鋪衍當其反馬初

姑沒翁尙健龜勉補華笙夫子猶少賤弱弟理衣裳小
姑學鍼綫凌晨覓豆漿向哺瀹麵羹湯邱嫂調宮筐

家婦奠百事付十指三載磨一研機聲和讀書燈施不
知倦勸爲負笈遊請絕曲房讌衾幃得監史巾櫛慎婉
燕豈意墮嬾星黯然傷奉倩自撰閫略篇千秋揭黃絹
令子我盍簪道氣藹迎面本爲名父子良冶苦鍛鍊吾
黨佩韋弦士林識冠弁今年我南遊握手東冶縣池館
快招涼蒨藕嚼雪片授我一編書瑰奇逾磬鼎籤題志
齋文侯官官述
言先生著中有賢婦傳端操更區明彤史餘芳扇
始知北山梓不獨依喬榦亦有紗幔人生小戒逸諺婦
範綜母儀戚郇共追戀辱居猶子行擬頰春蘂薦愧非
郭林宗空費茅容饌

劉全姑詩

劉家女徐家人女亦未作徐家人女名全姑全乎孝女
貞女烈女女子身一解徐郎雲驥父鐵海壯遊入秦凡

幾載徐氏子劉氏甥以甥作壻親十倍問劉氏名納徐
氏采二解館甥曰壻畜壻如子女母劬勞女父喜女是

劉家女徐家人徐郎名雲驥銘心刻骨一尺紅箋紙三解
客從咸陽歸僑居淞水西劉氏壻徐氏兒兒有父可

依再拜告阿父舅氏仲女全姑是新婦是聘妻四解父

喜有家兒喜有室淞水淞江音不隔徐家人劉家女劉
女名全姑刻骨銘心紅箋紙一尺五解淞江淞水音茫

茫昨宵怪夢心徬徨阿父邈慘變阿母時初喪阿姊欲
語不語阿妹啞啞學話不可詳吁嗟乎全姑心是徐家
人身是劉家女刻骨銘心奈何許

六解

一 鐙青熒熒阿

父病不起含淚語全姑女壻去年死女是劉家女幸未
徐家人我今始語女女且勿悲辛

七解

女聞一慟慟失

聲我雖劉家女我是徐家人徐郎名雲驤銘心刻骨一
尺紅箋盟噫嘻吁悲哉乎徐郎女是劉氏壻女非劉氏

甥

八解

再拜語阿姊向者徒以父在耳阿姊怪此言欲

問不問含涕視懔懔何蕭蕭十尺芙蓉繚生非徐氏人
死非劉氏鬼鬼妻鬼壻魂相招古井水淡莫淡華山巖

高莫高

九解

乃迎木主乃啟幽藏紅箋一尺至死銘心

刻骨不敢忘噫嘻吁乎悲哉孝女惟女貞女惟女烈女
惟女大書特書劉全姑死是徐家人生是劉家女

十解

題侯立青孝廉

靖

詠荔山莊圖二首

時主講蒲田書院

不須扶荔夏移宮天遣詩人作寓公租稅未償秋社橘
人家都近野亭楓吟成豔帶三分白歸去裝馱一騎紅
閒煞忠州前刺史年年圖畫寄郵筒

漫將食譜議生徒祇有吟箋付酒鑪講席又開鄭夾漈
讀書先熟蔡君謨也知山長頭銜好能解文園渴疾無
笑指青葱龍眼樹生成一種愛才奴

城西同吳西林

成棟

作四首

城西載酒出橫塘十尺紅泥牡蠣牆石鼎點漆分末麗
銀椀擲果餉檳榔花冠低掩雙鬟翠粉頰斜侵一抹黃
樂府情人名碧玉幾生脩到汝南王

愛將疊韻諧雙聲秀秀冬冬錄小名前度客來量錦瑟
今年人瘦似飛瓊籠中鸚鵡初調舌扇底桃花爲寫生
惱亂邱遲畱碎錦繡鴛繡佛兩難成

紗廚四角碧於煙紅豆安牀夜不眠飛絮春黏楊柳夢
病花秋冷木犀禪鞞尖拜月心難訴裙褶畱風骨已仙
惆悵江南吳祭酒題詩親見畫蘭年

清涼樓閣署瑤臺畫幃詩囊自翦裁玉女蓮花愁北勝

謂梁紉韻香仙史韻香自號微蓮亦稱玉井道人

美人香草悟西來

黃莘田香草齋詩

但背誦不遺一字

青蘿細寫三生石紅裊能憐八斗才但咒迴

風莫吹轉不妨同謫住蓬萊

福州行館晤李芝圃太守

無諸臺上早秋時載酒登臨不厭遲布韞梭鞅覓禮數
聞雲野鶴見心期南琴易唱將歸曲東絹重題本事詩
去翦吳淞半江水替儂父老寄相思

閩縣官廨贈伊五少沂

前年八月與君別黃河北岸沙如雪今年八月仍逢君

秋風吹墮閩山雲燕雁代飛牛馬走

去

紅箋姓氏都懷

裏倒載接離我夏狂相逢飯顆君何瘦我從前月度仙

霞君亦長簿換短檠笑我閒來喫荔子知君忙不到槐

花衛河水漲漳河澀十旬風雨羈人泣重說南船過夏

時難忘北地悲秋日平生誤戴遠遊冠來日方知亦大

難公子才名傾濁世書生末路到羸官羸官捧檄非無

意區區祿養尋常事返哺偏違將母心儼裝又作依人

計醯雞桂蠹各酸辛我亦天涯覓故人頗有長門賣司

馬譬如蠻府作參軍勸君且盡一杯酒何必桃人問土

偶客路相憐亦足豪回風引去終難久白露連朝秋暑

祖蛤蜊掀葉夢歸途不須三市飛烏鵲無奈千聲唱鷓鴣

鵠勸君且畱十日飲吹散萍花良不忍南州頗有舊朋

曹謂謙甫諸君東道況逢賢令尹謂萊詩箋畫卷鬪瓊瓏一

寸蟠螭押尾紅且緩朱封借計吏何妨白石煮山農舊

時火伴都相見雲山一角青繒扇苦將索句累陰鏗謂菊

泉恨不同遊訂黃憲謂秋平話到邳州夜泊船今年秋月

似前年如何對月分遙想春雨山莊秋水園君別墅名秋水園春

南山莊予之傲居也

仇十洲文姬歸漢圖爲芝圃太守題

秋蟬聲咽焦桐死趙家莊畔斜陽紫外孫幼婦泣河東

萬古此離一女子單于獵火照軍門破鏡刀鏤各斷魂
那有閒愁窺卓女豈知遠嫁遣烏孫勅勒聲中霜角動
貂襜一襲黃沙重獨立秋風都護臺無邊朔雪祁連冢
成王嬌小堵敖憐盼斷南雲十二年中原人物都如夢
塞外胭脂不直錢虎賁狀貌空揮涕獨有姦雄能好事
觸撥橋公死祭心商量定遠生還意黃金有價慰羈孤
合浦珠還絕世無重到關前折楊柳悔從山上采靡蕪
靡蕪楊柳知多少化作青青千里草家世飄零伯道愁
天涯去住徐娘老十洲院本慣臨摩貌出婢娟斂翠蛾
侍女雙鬟馱細馬健兒一隊走明駝胡笳按拍聲聲歇

數到紅么花十八妝束分明漢末人風塵尙帶秦時月
祕閣邀題宮體詩金沙太守自裝池黛痕綠過明妃墓
絹色黃如孝女碑冰絃斷續縹緗軫一卷淒涼寫金粉
後世憑誰說感恩當時可惜吟悲憤訣別生妻謝老親
牧羝海上更何人一枝漢節天山外如可贖兮人百身
中秋日萊臧招同西林訪西湖水晶宮故址
一頃琉璃浸女牆濯纓何必問滄浪水香三面菱花白
秋色五分豆葉黃天與湖山須管領地當宮闕易荒涼
不知後夜杭州月覆背何人借米囊

偕立青少沂遊鼓山徧觀石刻暮宿湧泉寺

籃輿出城東青天劃半壁登頓逾廿里漸次入雲脊江

形臥脩龍頰瞰如裂帛

山臨鳥龍江

再上四五盤樵路轉偏

仄下輿杖竹梢丁丁踏秋屐山樹不知名僅辨松檜柏

其下澗琤琤其上鳥格磔人籟一掃除天風吹袂逆邱

壑啟扇閉刻露創新獲筋力恆苦疲捫幽悸心魄琳宮

聳紺緞鐘杵響林隙直躡藤蘿顛將近益努力主僧辨

鄉音

方丈慧上人本吾郡王氏子

捉塵自迎客畧證木犀禪遂設伊

蒲食一飯腰腳蘇暎水謝功德寺門倚衿衲就石鑿階

礪牆根筍峯頽老松健能掖飛泉灌人頂奔湊下籬柵

磬篋匯方池紅鯉二三尺或疑龍子潛往往騰霹靂寺

在萬石屏磨厓著淡刻大半兩宋賢紀遊題翰墨綠梯
試句讀剝薜重拂拭摹搨幸有具記誦苦難擇探奇已
足豪嗜古況成癖山靈厚餉我勝抵千球壁竅窠挂遙
岑淋漓字青赤欲往一摩挲恨爲谿澗隔旁蒐方未已
嵐雨灑煙夕雛僧勸客歸墨瀋任狼籍上方啟精藍小
種茶名漂淡碧預拌明日遊徧訪前人蹟傾囊出手鈔古
意溢金石急就長明鏡連宵互詮釋

喝水巖

一名國師巖

問根老未除忽作非非想一喝水逆流四山息羣響涓
涓左旋辟倒灌匝林莽螭頭鑿三尺下歃不盈丈至今

在山泉萬派各紆枉
毘鉢蓮生花點頭石
聽講咄咄大神通
豈必盡誣罔惟茲谿
水聲頗愜靜中養
聒耳雖可憎廣長舌
相仿耽寂必守寂作
解母乃強以此喝國
師當喫大棒

舍利窟

許入舍利窟請觀舍利子
僧僚齊作態一一請長跪
夏屋絕纖埃花龕刻檀梓
緣梯八九層珍重啟包匭
欲啟未啟時且與論緣始
彼云大智慧變化不可擬
其狀具五色光芒射尺咫
或紅如丹砂或碧如霞璽
或如蒸栗黃或如玫瑰紫
是皆得休徵見之心竊喜
青者位不顯

白者運方否倘作面淡墨哀如宮變微彼說似有因我
輩果誰比先學管中窺遂正明目視琉璃三寸瓶厚過
十番紙其中貫纍纍三五垂玉縈辨色轉微茫頗難說
形似凝睇作縹碧微黃暈芴珥日光瞥斜射紺珠洞表
裏色相本來空吉凶姑舍是九等判人表李蔡何足齒
再拜叩禪師更求豎一指

登劣崩峯道險不得上

危亭俯單椒墮巖中飛鳥萬山尊一柱擁入青雲小作
氣試先登褰衣出林杪一綫鑿秋厓蟠空結竈窳苔磴
高及肩鐵索腐秋草徑滑不受趾碎石互傾倒人事絕

攀援天工闕靈寶夙聞最高峯先覩海雲曉兩點指琉
球髮髯中山島其如偈天根自來人蹟少仰睇極蒼冥
罡風吹四表平生五嶽期坐使朱顏老

陳集園

大成

許以江珧柱見餉久而未果詩以索

之兼示萊臧

闔中海錯天下稀珠蚶太瘦車螯肥螭蟬雖好發風氣
蟛蜞誤食遭訕譏水簿加恩誰第一江珧玉柱真無匹
糖蟹鮑脯議諸生荔枝河豚作三絕吳儂意氣頗不凡
書生乃學太守儻作詩不喜近蔬筍飲噉亦復殊酸鹹
陳君知我有大欲許以官廚饜我腹似聞去采緩山桃

庶幾大嚼屠門肉盤飧儻蓋暮復朝人饌不見雙瓊瑤
敢比黃魚食頓頓無如元箸徒超超海市腥風萬人湧
連擔向曉傾釣籠車前枉自口涎流坐上何時食指動
從來畫餅名皆虛警若三券仍無噓我今請鑄饗饗鼎
君更莫忘記事珠竹垞倡和櫟園紀主人博雅我竊喜
十日猶爲東道留一錢定入西施市齧脣夾舌詼諧詩
不爲朶頤亦解頤天溫豈復乏蝦鯨世事不如食蛤蜊

來夢亭話雨圖詩四首

道光乙酉六月余來遊福州萊臧同年邀住署
齋葺來夢亭爲余下榻之地蓋取董思翁來仲

樓意也左臨斜街右倚蕭寺苔印十笏竹椽三
楹巒髻送青近在簾額池花暈碧搖入闌四官
蛙滿園客燕入幕公事盡了主人夜來時則藕
舫盟秋瓜盤饒夏水風蕩酒涼雨催詩暮鐘惜
惜如在山野宵漏的的不聞人聲於是遣興百
端偷閒半晌旣悅情話遂感秋心行腳無入定
之期鞅掌有獨勞之日白露又過青霞不飛木
末花遲天涯草短落落今夢栩栩古歡玉露生
詩云何當共翦西窗燭卻話巴山夜雨時異日
重展此卷想山樹江雲同時惆悵

吳淞水翦兩浮萍來向天涯結此亭一角秋山牆外綠
三年春草夢中青詩添東閣梅花社人在南州荔子廳
畧與行囊作位寘酒瓢椽磨轉零星

比似徵君僕未能聯牀且共擁黃綾衙齋人去清如水
客館秋來冷過僧風響山城閣落葉月昏紙閣見孤鏗
腳鞦腰版頓年慣如此高寒恐不勝

竹梢響雨漸慳松手把湘簾正一重衰草牆陰噉蟋蟀
寒花池館待芙蓉生憎白點催官鼓最好黃昏聽寺鐘
記否孤舟江上泊打篷聲裏過殘冬

話到蒼茫有所思年來況味兩心知辛勤候雁銜蘆草

澹蕩閒雲出岫遲老我不妨質麻客如君尙欠買山貲
許多商畧平生語莫忘搏沙散雪時

雜詩贈萊臧四首

太倉渺一粟動作千載想惜無尺寸權活人關痛癢所
幸逃聽來循聲在我黨峩峩告東治都會吳邊瓌鳩彼
五方民馭茲百里長竊意雅雀喧官鼓不停響長髯奴
脅肩短後卒鞅掌絢爛飾與服羅陳耀杯盎一衍作吏
者此態輒相仿故人盞盞冰空不異疇龔入門一笑迎
爲我埽蛛網蕭然舊諸生斗室連書幌獨費米五升桃
花糴任昉

我爲汗漫遊到此三匝月翮狀喪手觀畢竟致何術沈
沈大府趨僂焉若終日歸來賓坐滿戶限僅容膝一揖
語未終主吏抱牘出乍展劉穆甬復檢鄴侯律夕春進
午餐飲噉亦倉卒沃湯頻注視舉箸誤執筆始知牧民
才寸心判得失一勤事無難所戒在暇逸昨有不逞徒
瀕海往窮詰五日君方歸十日事已畢歧路中又歧慨
焉爲余述其時上鑑初擁髻待盥櫛

赤嵌峙裨海北迤噶馬蘭厥田惟土上聚米成邱山襄
指五虎門水程頗平漫會城患人滿窖粟無一年所賴
山田芋不足常常餐今夏微苦旱石米增千錢幸資籌

海議大航來樂樂凡事貴豫立及時乃騰歡此舉誠上策其慮在後艱勾稽恃簿冊因緣或爲姦外彙多例禁關入皆民患況彼一隅地物力恆易殫某事始某人此名亦大難利弊慎所自良法垂不刊勿怪芻蕘語吹毛以索瘢

虛室自生白不用明月珠阿膠強止濁不如礬清湖清白具本性詎受緇塵汗相期始束髮此願亮不渝夙耽澹泊志苦縣亦上腴獨憂赤緊邑供億搜錙銖轅門下片紙火急如軍符瑣碎及茵枕稠疊催薪芻區區宰官祿悉索窮征輸昔君寓江館賈賦同相如囊底貯寸脰

醉飽皆歡娛晉安秋草綠集苑乃集枯君家鬱林守片
石珍璫與我欲鑄此石與君懷永圖

林蓼懷明府

軒開

西冷秋懷圖次元韻四首

平林蒼莽手無柯奈此瑤琴寶瑟何詞客寒生梁苑雪
美人秋怨洞庭波鼉鼉隱後誰張網鼯鼠飛來莫飲河
半枕黃梁炊易熟神仙都向此中過

最好西湖作寓公經年去住轉怱怱官如殘夢催先覺
曲到無人和便工天際浮雲仍縹緲山頭凍雀已環鐘
紅墮搬衍成何事簫鼓斜陽又一終

歸裝依舊一囊書三徑蓬蒿未掃除客況分明巢越鳥

鄉心多半爲鱸魚茂陵秋雨頻租屋敷水春風嬾上輿
回首永嘉山色好朱纓青蓋付軒渠

紛紛蠻觸鬪盤蝸一局輸贏笑語譁此後更誰彈棗竹
再來已久誤桃花在山泉耐重尋味出岫雲多不憶家
難得淮南叢桂樹秋風消息未曾賒

自古田至浦城肩輿中雜詠八首

去日船三板歸來路百盤
飄收小筍館岸偏大湘灘
門巷攔仄柵園林課橘官
我生懷谷口邱壑許槃桓

古驛離山縣荒街枕野塘
漉鹽嘗橄欖翦葉販檳榔
出市人爭渡兼程客裹糧
不知谿澗水盡日爲誰忙

木落羣峯出人家四面秋山田斜作岸屋屋遠疑樓斷
礪橫杉板危梯下竹兜晚尋邨店宿絕勝水邊鷗
旅館臨江口涼棚出路隅棹網停估舶竹筧貫僧廚客
飯常煨芋鄉風罷織蒲零星堆晚稻猶喜未全蕪

雲海蓬蓬雨峯腰一半埋雨衣縫繭紙蠟屐借芒屨風
色寒生樹泉聲細入街西谿人獨往扶傘坐長簿

野篠青圍嶺山樞白過谿秋花多近石冬筍半藏泥橋
直孤亭迴牆溪古寺低歸途行得得多事鷓鴣嘯

水碓連邨響膠田隔歲焚蔗竿揉積雪紙臼割秋雲嵐
氣三時變谿流九曲分且沽神麪酒遙酌武夷君

千仞西陽嶺登登石徑斜
楓脂香在葉煙草豔生花
絕頂指丹閣晴空瞰白沙
瑜尖城郭近偏誤路三叉

重遊漁梁山至萬葉寺觀瀑

渴龍飲天池歸臥白雲窟
垂胡藏不盡噴作滿山雪
散漫迸石竇遮闌一手掣
直下千丈強作勢逞唐突峭壁
橫生磐奔注忽中絕斜飛走歧路
兩派湊同穴從此匹練懸
終古不生滅翹首企雲根
眼花亂成纈稜衣條沾灑手
撲珍珠屑始知搜剔淡靈境
展飄忽名山附十大昔游悔
倉卒茲來憩寺門曾次瀉煩
結松楸蔽秋陰香廚茗具潔
平生詫奇觀閒共山僧說
會當訪開先再費

豐干舌

大竿嶺

亂雲蝕青山山頂平於剡曉白墮鴻濛層厓絕攀踐熹
陽出林罅羣峯各爭顯一峯銳而翹榮蓮秋未展一峯
耳而足香爐裊煙篆數峯聯若屏丹青互舒卷一峯儼
中懸獨立矜婉變其餘競參差左右與旋轉天亦不甚
奇任其自曼衍峩峩大小竿廿里兩冠冕懸磴盤青泥
危梯構丹巘奧折沿窸窣灌莽雜茶薜秋楓渲青紫映
入松杉淺曠遊性所愜鑿險力能勉緣坡童僕愁上坂
輿夫喘草屨幸隨身莫辭雙足繭

龍游曉發

山郭參差枕水東，曉帆一摺受西風。
掀篷忘卻秋霜冷，貪看楓林兩岸紅。

龍游山房詩集卷九終

桂畱山房詩集卷十

寶山沈學淵夢塘

睢甯旅舍題壁

艤舟亭角上元燈
一夕春風酒不勝
誰識衝寒明日路
滿天殘雪北蘭陵

阜河阻雪

鶴氅無溫山屨單
繩牀蘆簟夜初闌
烹椽滋味輸陶穀
寘酒風流憶謝安
青窮推篷尋昔夢
憶前歲阻雪事
黃泥塗壁
避春寒劇憐倚竹人
銷瘦細嚼梅花當夕餐

滕縣復雪壘前韻

團焦瑟縮客衣單，纔唱陽春曲又闌。
儘憶詩篇摹祖詠，用漁洋諸兄弟和終南殘雪詩事惜無畫橐寫袁安。
酒涼於水澆殘夢，

雲壤如山壓暮寒。差好連宵金井麪，
餅師珍重勸加餐。

中山店喜晤夏秣薌式庭

翼謀

季仙九丁誦孫嘉

葆

諸孝廉蕭子滂別駕仙九子滂以文字韻見贈

次韻作答

芙蓉江館憶論文，一路題詩正訪君。
人在天涯吟積雪，

客逢山店話斜曛。黃沙飛屑經年浣，

子滂於舊臘出都茲復北上茜

篋餘香觸緒紛

仙九有騎省之賦

勞向燕城問消息，風流誰是

鮑參軍

誦孫亦以前韻見贈疊韻奉酬

玉立亭亭揖景文東灘橋畔乍逢君
露車索畫題前輩
往歲爲李申耆太史題十四友
同車圖尊甫若士先生與焉
羸馬馱詩走夕曛濁酒

暗澆塵滾滾素箏低唱雪紛紛
北平射手眞無敵合署

將軍作冠軍

君以北平籍應舉

河間道中花朝卽事偕穉鄰式庭仙九子滂誦孫

少坪曼卿九方陳仰山

麟

何南屏

朝恩

黃經香凡

十二人以花朝字爲韻各賦二首

班班車子走天涯
重到河間姪女家
暢好旗亭逢舊雨
最難陌路見殘花
二分月照江南夢
十日寒吹冀北沙

且向東風祝初度一尊親爲酌琵琶

出郭尋春廿里遙鈴聲熨貼馬蹏驕垂楊山店新茅屋
芳草湖隄舊板橋客路煙花仍此地故園兒女話今朝
海棠消息應無恙別夢零星又一宵

德州途次聞蕭丈梧軒明府

瑾

注選彝陵子滂抵

京後擬隨侍楚北旋又赴官蘭州同人繪燕南送
別圖贈行題詩四首

兩載懷人擱酒卮相逢偏在別離時驚沙細撲黃綾被
破壁邀題白雪詩重向湖山尋舊侶

謂稊薶
仙九

況兼風雨

訂新知

謂式庭
誦孫

官符火急催君去十日平原約已遲

天涯芳草憶王孫
渺渺雲蘿寫夢痕
伏雨山城飛石燕
春潮水市上河豚
鐘聲冷聽南朝寺
酒力雄開北海尊
今日燕臺重握別
有人閒煞小江村

無憶
泉南

繫馬攀轅不可畱
仙鳧飛過楚江頭
笙詩補就題官闕
水調翻來送客舟
天際孤城臨白帝
秋邊涼雨泊黃州
武昌魚好君須記
珍重雙鱗達遠郵

秣歸山外子規啼
手掣珊瑚鞭上大隄
欲采芙蓉寄江北
又攀楊柳送安西
長途好叱王陽馭
客舍先聞祖逖雞
料得山陰傳治譜
頌聲一路到羌氐

丙戌三月二十八日作二首

鬢鬢夫婿莫輕嘲花比瞿陵亦足豪食粟幾時長九尺
傳神何術覓三毫連宵好夢生黃被半刻春風散白袍
悔不吟詩成鶴膝雙金重與鑄溫韜

綿叢隨人習上儀願將拜舞替萊衣山禽隊裏呼名易
駿馬圖中沒骨稀豈有迂辛儕短李最難燕瘦配環肥
從今閒煞僂僂腹攤飯涼牀到夕暉

淮陰舟次

放得清淮昨夜船斜風細雨熟梅天荒城隔岸低於屋
野水兼潮沒過田屈指江湖催白髮違心事業贖青氈
阿婆春夢從今醒胯下相逢正少年

中秋大風雨後見月作歌

白露已過暑未徂
花蝨百萬晨喧呼
黃梅墮後木犀綻
礎碣淋漉千珍珠
木綿蒸鬱朽如腐
老農隔舍聞嗟吁
月額以外不可數
陣雲日起西南隅
一年難得此令節
或許我輩追清娛
擢帷躍起問天色
但覺汗汁生衣襦
赤槃團團射西壁
樹影倒挂紅珊瑚
朝暎太猛立主雨
變幻且復遲須臾
裸衣圍坐攫午食
七箸頃刻驚雷車
瓦椽奔注強十丈
怒瀑倒灌填溝渠
考鐘伐鼓各鞞鞞
海東門外飛爰居
自午及酉勢方弱
積水漉漉銷階除
癡雲半壁擱林杪
涼颺下葉堆庭梧
芋魁大豆辦夕供

牆東爛吐銀蟾蜍尋常見月且下拜今宵況復出不虞
是時邨居少賓從蓬頭赤腳惟妻孥舉杯欲醉不忍醉
今年已矣田園蕪明朝倘復好天日再拌缸面三升沽
十六日桃船芑厓約過春雨莊俄以雨阻不果夢

前韻寄示

方蹶角輪止不徂齋書銀鹿先邀呼山莊十日掩秋雨
開緘勝獲雙明珠兩肩蠻榼寘檐廡有酒不復多愁吁
僂僕自起埽蓬徑苔花一寸堆庭隅宋鑄唐搨闕新得
約與同志羅清娛沿谿九曲盼來鰈野風索索吹單襦
淋淋浪浪雨大作電珠瑣碎敲珊瑚陰陽作幻豈可料

挺專卜兆徵須與寺邊雙鶴立拳足黑雲倒轉廳輪車
姮娥斂睂玉女笑挪許清福脩農渠學仙不成定遭謫
廣寒從此無人居我曹文酒作生活結習往往難銷除
滿城風雨先敗興況有租吏誰枝梧頻年饑寒苦奔走
淚點迸落銅蟾蜍卽今望歲又若此杞人到處增憂虞
且傾客饌恣大嚼皆大歡喜耽妻孥苦吟待月月不上
絡孃辛苦嗟秋蕪畫叉檢點贖一塊倘有客至拌行沽
雨十日不止小崑同梅各有和詩再疊前韻兼紀

鄰邨近事

虞淵日匿浮雲徂雄鳩撲朔雌鳩呼花鈴墮地稻穗短

劍頭粒粒炊珍珠西鄰腐儒坐舒歎觸口不覺噫嘻吁
蟬吟蛩語自倡和淒涼聲滿空山隅東鄰年少盛褻屐
吳歛匝月追歡娛前谿子夜雜俚唱酒闌香澤噴羅襦
携蒲一擲鬪瑰寶槌碎七尺青珊瑚誰歎家無擔石儲
但願餽粥謀須臾且操左券作孤注一擊不申無副車
雖鳩勃谿雄鳩怒秋禽啄壤雙夫渠禽言喑喑戒陰雨
綢繆或者求安居奈何天變不足畏荒讌雜選填門除
我愁束溼蕪已盡爨材搜剔秋風梧蝸牛疑疑兩角健
牀底躍出雙蟾蜍一甌焦麥噉過半安保十日無他虞
緝書偶喜赤松術碎穀難挈神仙孛災祲欲訴況格例

傳聞鄰邑非全蕪海壻漕法始今歲樓船萬斛來丁沽
過淞南廢圃

塘坳一曲舊園林手撥漁艇傍水潯野鷺眠沙尋宿夢
涼蟬抱葉訴秋心樓楹斷簷都無字爨下餘材尙有琴
潦倒南皮詞賦客西風高唱和樵吟

褚河南硯歌爲薛丈訪庵乃疇墨莊乃金作

琢青州紅絲石爲硯脩三寸廣二寸硯端刻桃
枝一鳥一腹有銘曰集彼桃林飛於翰苑吾

之於硯端以綿子孫之永傳凡二十二字缺
二字銘旁題貞觀五年褚遂良凡七字乾隆間

濬吳淞江土人得自淤泥中薛葦塘明府

鼎銘

購得之以爲世寶明府之孫訪庵墨莊兩文屬
爲長歌紀之并序其略如此

忠義不止玉帶生吉祥不止心太平請看一片紅絲石
地老天荒不敢匿鐵螯刷地鳴鏗狀拋棄非瓦仍非甌
薛侯好古兼好事售以三百青銅錢手剔泥沙露款識
分明二十有二字表延三寸廣殺之中有關文益古致
硯尾又題字一行貞觀五年褚遂良河南筆墨但餘技
一生忠審扶綱常是時公爲起居郎祇謂博涉工文章
豈知詞臣最骨鯁君舉必書臣必請自攜筆札入臺省

左史右史一人領有紙不草封禪書有筆不勒狼居胥
惟有守官守道如守硯諫章直上承明殿本朝家法最
艱難黃瓜臺下秋風變惟公大節卓絕倫定儲顧命眞
元勳何來多收兩石穀玉階碎首爭孤臣投荒萬里免
撲殺石交戀戀常隨身潭州桂州屢遷徙此硯闕盡先
朝人云何歷劫一千載墮落乃在淞江濱君不見北朝
媚子祝禮部鶴之鶴之八風舞又不見瀛洲父執許敬
宗硯池遺臭汚青銅獨畱此物出沈瘞一花一鳥俱游
戲人云李靖善收藏我道魏徵益斌媚薛侯翰墨前賢
倚官聲清白與人謳傳家文學今比昔前有褚亮後褚

璚重裝匣子琉璃小世世子孫永爲寶飛於翰苑集桃
林佳識無如斯語好君不見香姜銅雀雲煙銷開元遺
錄無人鈔請將鑄鐵胎維翰不獨趨庭拜范喬

朱友三

源

歲寒三友圖

野鶴巢邊百尺枝天生此叟獨支離可憐一種閒蒲柳
又是秋風掃葉時

竹屋翛翛結比鄰冷雲深處不知春牽蘿補後明珠盡
定有天寒翠裏人

流水空山夢有無老梅三百伴林逋怪他人世臙脂筆
但畫銷寒九九圖

龍游舟次贈湯右民

懋名

裘帶翩翩繫我思

謂尊甫雨生協戎

偶逢雛鳳便相知

說羅浮夢馬上豪吟朔代詩

君隨侍惠州大同

奴解愛才蕭穎

士從人能手錄

客能傳檄傳脩期獨憐明日常山路正

是金錢夜卜時

江山船孃曲

畫眉唬破水雲曉一船一種相思草美人生小是同年
琵琶曲項回身抱爲郎逐漸彈知音連灘沙石皆黃金
願郎填盡此江水江水淺後儂情淡君不見西江大賈
上水去富春驛前十日住又不見武林公子下水來纏

頭一日雙金釵

江山輿夫歎

車不方軌馬不前竹兜穩臥羣峯巔以人之肩代我足
客囊不惜青銅錢輿夫向我忽三歎如此錙銖君莫算
駟身飽橐吏飽囊界余區區不及半飛軼三百路四程
裹頭白髮吹星星爲言前日貴官過僦從噴余太軒轅
一偃再偃不敢言酬以力士黃絲鞭橋亭小憩秋陽熱
袒背示之猶見血

建谿舟次

西風吹病夢淒迷遙夜孤舟滯惡谿如此灘聲如此雨

不堪又聽鷓鴣嘯

中秋泊舟黃塘嶺下

邨醪獨漉不成眠
四面青山壓一船
祇有鄉心共明月
一時飛過萬峯巔

次韻題萊臧破窗風雨圖三首

圖作於莆田
本齋被工次

一綫危隄百里防
天風簸弄海瀾狂
官聲去後思黃杜
君曾令民病蘇時頌
扁倉聞說披衣頻
起舞知君每飯
不能忘中宵手錄
河渠志窻窳牆泥
落筆牀

拳菱削榷計先周
生把金錢自買愁
白馬潮兼三日雨
黃花水灌萬家秋
卽看野屋飛蓬穎
怕有與人動澤謳

一笑頭銜封戶牖索綯且作小綢繆

油衣氍毹悵何之負此觀濤八月時出水蠶飄橫海市

搏沙蠨壁圮山祠淒涼獨對周璆榻謂花農搖落誰憐杜

老詩回首官齋同聽雨今年我只恨來遲指來夢亭話雨詩

八月二十七日爲余四十初度萊臧招同潘壽生

眉周花農樽元章虎伯陳集園集雙佛桑軒卽事

感懷作詩紀之

身如黃葉隨西風飄朕又墮甌山東征衣一浣未旬日
硯窪書籠皆塵封老羌渴疾不可耐茅柴私壓玻璃鍾
主人好客尤好事曉窗羅列雙郵筒手翻蘭譜誌月日

我降卻與庚寅同羈愁頗願請勿慮爲君落落開心胸
江湖浩蕩酒徒在蠻箋三寸馳巴僮陳髯灑脫勝疇昔
章髯扶病如衰翁周郎潘郎各一揖新詩脫口聲摩空
官齋疎散似邨舍賓主皆作秋江鴻吾曹會合偶狀耳
安能上下隨雲龍海天南指渺無際復與蹶躡羣山峰
萊臧偕花農方旋自興化壽生將之潮州余將隨校諸郡試藝
不如借此暫歇腳大盆
圖坐相追從銀篋小隊將進酒鷓鴣曲罷愁吳儂何處
亦是舊行輩雙頰漸蝕秋芙蓉漂陽直柏已半老將軍
猿臂猶彎弓平頭四十竟如此世事那許箋天公韓蘇
文章未銷歇往往磨蝎居身宮日者龜筮吾勿取一醒

一醉知窮通君不見佛桑兩樹好顏色
秋花那及春花紅

松風堂懷李忠定公四首

滿眼靈旗壯志銷越王宮殿草蕭蕭
中原氣短黃龍酒
滄海魂歸白馬潮恨不閒關隨北狩
虛煩安否問南朝
分明夜雨青原寺一樣松風伴寂寥

艮嶽花綱戰血腥南荒猶屬小朝廷
江聲夜鼓天風曲
雲氣秋埋海月亭絕域龍髯沈故劍
舊交箕尾賸晨星
晞真館外清遊路積雪羣山夢已醒

鴻溝半壁且撐持北勝南強未可知
出塞何年生馬角

入宮有女妬蛾眉百篇涕泣長沙疏一卷淒涼蘇武詞

公有蘇武慢
令盛傳都下猶幸山椒乾淨土龍湫鱗骨護荒祠

凌虛孤館俯晴川十畝松楸起暮煙斷礎碧鐫昭武字
亂山青似靖康年荒原夜雨歌楊菜故國斜陽聽杜鵑
誰把汪黃鑄烏鐵西風雪涕墓門前

九日同周花農梅賓鄭卿叔寶偉然陳集團王遠

村霖鄭梅卿逢昌登釣龍臺得橘字

黃囊散秋馥出郭嬌風日孤臺聳南濱俯跨蛟龍室開
楹拓斜陽嵐翠四圍溢紙鳶趁嬉晴箏絲勝調瑟一繩
駢百枚風態裊徐疾矯若游龍翔首尾互橫逸酒徒聚

苔岑憑闌促羣膝嗟余蓬顆飛行止兩倉卒又隨舁棧
車沾此三寸筆曠懷生別緒煙樹間疎密諸君各珍重
軟犯替諏吉蝻蟀折左螯加籩烹橡栗黃花度秋期泥
飲浸杭秫所惜酒微酸此恨比金橘

福清道中

篋輿簸夢上孤岑邨落蕭疎出遠林榕樹壓牆頑過石
松枝排嶺短於簪腥風斷續吹魚市蠻語鉤斲雜鳥音
兩度天南游未徧名山孤負到如今

興化雜詩十首

紅橋碧浪浸湖田絕似江南四月天只少千絲水楊柳

綠陰斜壓鬪泥船

車螯蠟殼滿筠籃一路腥風到海南欲覓子魚三印大

釣絲閒煞小姑潭

子魚極肥美小姑潭所出爲最但通三印者絕少東坡詩長魚俎上通三

印山谷詩子魚通印矐破山通印者言大可容印也

丁香粒粒寄相思欲向楓亭譜荔支閩說佳人殊絕世

我來偏恨不同時

閩荔支以楓亭爲第一其核小如丁香者尤佳

一斛珍珠寫錦箋寒鴉宮殿閉秋煙野花落盡胭脂土

猶說梅妃舊墓田

梅妃江采蘋故宅在東華里中有田如鸞卵田中有石一片相傳爲妃祖墳

泉山秀句當時體正字風流絕妙詞除卻玉谿生第一

也應低首晚唐詩

黃滔有泉山秀句集徐寅官秘書省正字皆郡人也

夾漈草堂久寂寥祇留名字伴漁樵千秋卻怪亭林叟

不識拖柴堂上燒

夾漈草堂在廣業里堂前拖柴堂上燒漁仲自題草堂詩也亭林嘗不知

通志出處故有讀書不讀鄭夾漈之語

端明宅畔草離離墨譜榛經未補遺賸有萬安橋畔路

荒祠駐馬揭殘碑

榛錄二卷墨譜一卷俱蔡忠惠公著萬安橋卽洛陽橋也

林巒城郭共蕭疎石楯朱闌尙有無秋潦一彎斜日外

夏無人識小西湖

濠谿入城匯爲泚水謂之小西湖明太守岳正題詩鐫石其上所謂林巒

青欲滴城郭隱如無者是也

傳聞宋玉最風流醉墨清歌逐俊遊回首嚶城秋色裏

夕陽紅上塾巾樓

朱珏字比玉流寓吾邑與程孟陽李長蘅交好所居名塾巾樓

唬鳥無情送六朝
寓公白髮已蕭蕭
江南多少蘭成夢

莫說秦淮舊板橋

余懷字澹心著板橋雜記王阮亭贈詩所謂江南戎馬後愁殺庾蘭成是

也

玉暉琴歌爲錫山周緜山作

四座請勿喧爲君彈玉暉
一彈塵撲面再彈涕沾衣
三彈四彈髮上指江湖滿地鴛鴦飛
鴛鴦本是緜山鶴年
少吹笙侍官閣西興流水感知音
當時親餉黃花雀秋
風座客歎文章祇有周郎識
陸郎官紙十番膽薦牘俸
錢三百辦行裝從此長安紅
日外年年飽噉蓮池鱸消

息難傳北地書源流誰憶西江派白頭令尹破黃綾廣
柳車回十月冰張羅豈有門前雀作弔曾無座上蠅桃
花米盡營饘粥葛屨西華寒起粟乞食空吹吳市簫論
交恨少屠門筑是時旌節駐西秦玉尺量才救侍臣定
有綈袍憐范叔非關債券索田文騎牛西出函關路鴟
絃斷續焦桐蠹徘徊一刺入侯門不祥姓氏令平公怒
碁局中心竟不平千山萬水閉門羹分明今日嘲稽喜
悔煞當初薦禰衡攜琴躑躅咸陽市秦時明月寒如此
猶幸人間呂馬童依稀曾識故人子窮途一飯感淮陰
典盡征衣未典琴彈出南州徐裨淚忽生東海魯連心

落木庵中掃秋葉十年歸夢迷蝴蝶空留弱女字平陽
天涯誰寫零丁帖君不見武當道士陸講山飄然一盞
何時還又不見南海畸人鄭湛若抱琴餓死填溝壑琴
兮琴兮奈若何爲君重唱玉暉歌中山狼傳從頭說一
曲琵琶淚夏多

仙遊茅筆三十二韻

歧路停輿轎郵亭撤酒肴呈材操不律問俗課于茅詭
異矜仙縣蒐羅出近郊緯蕭勻似髮編竹大於篲細摘
羊須頷茸垂燕尾髻辛勤誰畫荻瑣碎異寧菱賤只如
絲叢珍宜作匭包麝狐齊論價管蒯冑同拋選葉求三

奔連茹動六爻揮毫爭埽籀吐穎想含苞苔印裁箋樣
松滋配墨膠殺青烘日腳活碧蘸雲梢恠憚毛錐傳鬚
鬢古弼嘲蕪田耕硯瓦草舍縛書巢定許容君輩相期
訂素交叢殘秋水淡稠疊亂山坳雉尾光初散蠅頭字
不滑一池麻待漚六寸管鳴散儘許塗鴉翅何須孕兔

胞千錢誰索直十手易傳鈔蕘豎煩搜剔邨氓慣刷鉤

鯉河春瀾瀾

九鯉河在縣東北漢何翁昇仙處

雞溲夜膠膠

黃雞溲在縣東

製何翁授心裁范塔教

何翁九男及塔范侯皆成仙

屠筒輸內府

紹興

開筆工屠希筆最貴一筒可直千錢

李距晒良庖

李展雞距書蠅頭萬字而不頗如庖丁新礪之

刀適舍供清玩臨池試幻泡每綠神瘦硬略辨地肥瘠

草莽休芟柞樗材入製炮土風徵漆栗野蔓雜瓠匏閭
嶠何年產吳艚有客捐竹垞仙遊茅筆歌贈徐檢訢垂
虹亭長嗜奇癖一牀載得還吳
東桴浮澗瀨縛帚畫龍蛟屋宇羸疎署綿緘熨貼敲
蓬心嗤擱筆擬倩鐵梳抓

鵜鴿嶺

單椒削晴空起伏控遙勢停輿各仰首天末紗窮睇小
隊試先登捫幽競孤詣趨健不踰時氣衰勉自勵前蹤
努未上後軌怯猶繼彎環互頭尻凝注戒睥睨一繩魚
貫懸彼走此難憩凜茲退步艱莫詫進時銳我來躡危
巔勝具苦難濟升猱謝騰趨跛鼈耐濡滯攀附仗松杉

推挽索興隸孤根偏陡隘左右絕牽曳始知入險澗筋
力無人替直上三千盤歷歷數階砌一握款天門四顧
出陰翳龍潭積霧銷鳥背罡風厲玉柱踞中峯羣山各
如礪回看百丈湫尙在白雲際

永春仰高樓和史望之少宗伯

致儼風字韻

十級雲梯拓數弓四圍山色入簾櫳門臨碧嶂雙魚墪
地借紅牆一畝宮嵐氣壓城秋半雨松聲繞閣夜闌風
無端信宿來桑下纔算停車又轉蓬

永春雜詩八首

玉樹花飛鐵騎來騰脂宮井落秋槐長安市上重圍後

剩有肥湖破鏡臺

相傳陳後主子三人國亡後南奔居桃林場之肥湖南安曾氏以三女配

之長稱鏡臺歿後屢著靈異封威應侯

昭州刺史號書淫益席雄談滿座暗恨不重刊十二帖

遺書收徧古桃林

盛均字之才唐大中進士時皇甫煥以博辨自雄均答應如響號爲勃傲

嘗病白氏六帖疏略因廣爲十二帖仕至昭州刺史黃莘田詩所謂十二帖銷無覓處祇應低首盛昭州是也

永春在隋爲桃林場盛有桃林場記

桐帽椽鞵足浪游休齋居士早歸休叢殘一卷梅青傳

夢上羅浮最上頭

陳知柔字體仁宋紹興進士知循州徙賀州遂告歸自號休齋居士好山水居惠州三年羅浮風物陶寫殆徧所著梅青傳今不傳

寫殆徧所著梅青傳今不傳

芙蓉冷落秋江上鴻雁悲鳴野水灘閒插黃花搔短鬢

西風愁煞廖王官

大田廖王官有芙蓉冷落十四字時稱名句

春愁褪盡海棠枝
腸斷東風謝女詩
何似雙梳烏角髻

年年繡佛買青絲

德化閩秀謝鳳妹詩有海棠褪盡少春枝句烏髻山有施氏女子成佛於

此稱烏髻觀音

不須峯翠奪柴窯
白土紅油淡淡描
絕好春波樓上月

碧雲無際聽磁簫

德化山磁器有磁簫瑩白可喜聲尤淒朗見閩小記春波樓在縣門前

界畫羅羅設色真
七裏雲錦又翻新
笑他學出王郎畫

手爪何如織素人

州出織紙畫香祖筆記引鈕玉樵云有王秋山者工爲學畫於紙上用指

甲及鉛鉞學出學音築以手學物也近閩中有織畫乃破紙作條成之山水人物花鳥布景設色種種殊妙真

絕技也

羣峰四面鬱巘，屹樓閣凌空。獨倚闌，可惜天南無積雪。

誰將粉本竹弓彈。

試院仰高樓四面空闌羣山如笏都插檐際王叔明岱宗密雪圖本著色

畫戲以小竹弓傅粉彈成雪景

泉州使院寄懷周小崑侯棗泉張秋涯戴滄鷗徐

寄春蔣劔人

爾銜

諸子

多時吟伴憶南陵，況直西風感季鷹。紅葉山廚煨宿芋，綠蓑小艇買秋菱。脫巾漉酒邀邨社，破衲攜琴訪野僧。回首田園殊不惡，卻聽官鼓話殘鐙。

龍巖行館題壁

午時披葛酉時綿，始覺南來氣候偏。豌豆嘗新梅市月

鮒魚餉客菊花天，釘盤漫脫蝦蟇褌。茗具都成橄欖仙，
下澳百弓歸未得，不如學種蠟黃田。

同安道中

松杉錯落不成林，赭土斑斑鑿遠岑。海霧曉蒸茅瘴溼，
山泉寒浸蔗田深。餘氛已殄孫盧種，薄俗應勞名社心。
說與兩崖頑石聽，古來司牧有良箴。

漳州雜詩十二首

蓮社高賢不可招，斜陽一角掩僧寮。打鐘埽地風流盡，
詩板無從問六朝。

唐咸通二年漳浦興教寺僧元慧錄古今詩作粉板藏於寺樓有宋沈懷

蓮陳廟野

王諸家

浮圖十級紀初唐古墨淋漓蝕硬黃我似稼堂傳舍去

殘碑未搨兩三行

開元寺咸通瑜有司戶參軍劉鏞書潘稼堂補顧亭林文字考云書法婉

妙絕似廟堂碑未知存否今瑜碑尚在郡城蓋稼堂雖往還閩粵交曾未親見也

黃茅白草漢時關萬里題詩到百蠻閱盡南荒來往客

不知恩怨是青山

蒲葵關卽盤陀嶺漢南越故關李德裕南遷過此題詩云嵩少心期杳莫

攀好山聊復一開顏明朝便是南荒客夏上層樓望故關大中間嶺南節度楊發和之有誰憐後夜相思處白

草黃茅望漢關句

蒸羊薺荇又停驂去路茫茫隔嶺南斷砌頽垣吟蟋蟀

秋風先到木綿庵

高春葉李在太學時伏闕攻賈似道黥配漳州後似道南詢會李淑歸相

過於洛陽橋李贈以詞有余歸路君來路及客中邂逅少蒸羊句木綿庵在城南二十四里

鐘聲隱隱出南譙花市梅墟驛路遙三十五橋春水漲

擗船歸去半迎潮

山郡城南譙門達於漳浦宋時有三十五橋郭南五里曰塘北居人以種

花爲業又有地曰梅墟

崖海蒼茫正荷戈北船曉挫暮猶多碧孃解唱平元曲

絕勝淒涼阿蓋歌

宋少帝覆舟崖山郡人陳格殉難前夕作崖山六詠有北船曉挫暮猶

多句女兄碧孃作平元曲寄二弟略云虎頭將軍眼如電領兵夜渡龍舟堰良人腰懸大羽箭廣西畧地崖西戰十年消息無鴻雁一紙憑誰寄春怨蓋其夫亦從軍崖海者

大武山頭月落遲登臨心事有誰知可憐碧玉堂前夢

直到黃梁飯熟時

明吏部尙書陸水邨完以通宸濠事謫戍鎮海衛卒於郡城開元寺之碧

玉堂能自知死期林魁弔以詩云謂公負國則不可謂公忠國又難言千秋大武山頭月惟有登臨一愴然陸

有登大武山歌大
書刻石筆墨甚偉

數聲漁笛一江秋幾度潮來問故舟比似秦淮囉嘖曲

滿天風雨夢西洲

明樟浦圃秀李氏有詩云門對雲霄碧玉流數聲漁笛一江秋衡陽雁斷

楚天闊幾度潮來問故舟雲霄其所居地也

彩鷺飛散已無家松栢青青夾路斜昨夜西風新鬼唱

墓田誰與埽秋花

明王少宰子世衛少有異才聘周忠愍起元季女未婚而俱亡王忽以鬼

札附詩致其父友孫赤石其次章云獨攜長帚埽秋花空谷無人桂影斜弄玉不來腸欲斷夢魂今夜落誰家

味其詩意似欲與周同穴也

逃雨巖荒舊講堂從無錦字怨朝陽春船一卷簪花格

寫盡全家鐵石腸

逃雨巖在鄴山爲黃石齋先生講學處夫人蔡氏潤石字玉卿當先生督

出杉關時夫人致札云自古忠貞不煩內顧身後之
事玉卿圖之夫人善書代先生作行草幾奪真嘗偕北
上舟中臨衛夫人帖人爭以匹錦購
之吹管署石齋名晚年乃或自署

破廟傾歌古道旁
夏無簫鼓賽蠶王
鵝毛縫罽蕉裁布

開卻猗猗陌上桑

郡古稱蠶鄉詔安有蠶王廟今桑
柘稀見矣天鵞絨蕉布其地土產

殘冬休厭客程賒
一襲吳綿耐歲華
真箇千邨似寒食

家家開遍碧桃花

千邨萬落如寒食不見人煙只有花
韓偓龍谿道中詩也臘月穗南靖行

滄見緋挑玉蘭盛開菜花
梅香極似江南寒食風景

石脾至小池一路飛瀑不絕

積雨灌山泉四山響磨礧倉皇轉前谿
倔強巨石礙水
來進力攻作勢不能退撐拒互喧
颺橫空軼其背歎注

十丈強噫氣怒成塊餘石峙重圍衝盪一時潰爛銀鎔
作毬拋戲數十輩大如五斗囊擲地下雲碓旁支溢石
梁涓涓走荒穢盤辟十里餘吞井自成隊一氣瀉危厓
奔注如不逮山腰芒角生白練隨風碎

挂鐘巖

行人辟易不敢仰懸厓直落三千丈臨洮長人蹶躡來
一擘呀呖開兩掌剗剗實腹空其中倒挂兩朶青芙蓉
懸鉦覆釜狀不一黝狀非鐵兼非銅昨宵鱗甲飛長松
千年追蠡俄成龍龍湫百斛注雲谷鐵獅怒吼西南峯
鐘聲石聲水聲不可辨但覺萬怪惶惑摩蒼穹今朝水

縮露奇石山拗俯瞰滿半脊洞門斜插繞雲根鐘乳丁
丁滴殘液堂皇步欄結構精丈室一罅通光明挂鐘如
挂東西楹左右撞擊其聲鏗石紐一綫天生成欲斷不
斷心魂驚其旁芝蓋承金莖山魃猙劣雙手擊金瓜對
峙瓜有棱前導排列旛旗旌藤蘿非草絲非纓石髮兩
束垂鬚髻不知媧皇游戲鍊諸石何以如此細膩熨貼
平又不知羣真簿鹵何狡獪羽幢翠葆勅令山靈迎我
來長歎度巖壑四山羣響一時作天驚石破會有時自
來混沌何人鑿嗚呼眾生顛倒非偶狀紛紛頑石煩雕
鐫兩厓石筍密如束排空萬笏都朝天

十二月二十四日度桂竹嶺至白沙邨宿翼日度

石灰嶺

上嶺一谿迎下嶺數谿送岡脊建高飴脈絡互穿綜尋
泉陟孤岑墮入白雲甕曉氣蝕空青山色黯如夢虧蔽
東南隅朝暎破昏霧我行偪杪冬薄寒凝野淞桂樹鬱
層巒葉香甘受凍下緣脩竹坡綠徧四山縫雨日無平
蹊一宿傍林洞近厓削瓏玲石質就磨礧遙峯競獻態
恣被煙雲弄巒翠不可尋屏嶂繪虛空升降遞旋折左
右目頻縱邱壑許棲遲客程嗟倥傯度歲借山庵此約
何人共

桂畱山房詩集卷十終